



Broj: 01,02-02-1-30/15

Sarajevo, 24.12.2015.

29-12-2015

**Parlamentarna skupština BiH**

Kolegij Predstavničkog doma

Ustavnopravna komisija Predstavničkog doma

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor dostavlja

**MIŠLJENJE**

**o usklađenosti Prijedloga zakona o izmjenama i dopunama Zakona o upravi s članom 105. Poslovnika Predstavničkog doma Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine**

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-02-1-30/15, od 22.12.2015., dostavila Prijedlog zakona o izmjenama i dopunama Zakona o upravi (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Prijedlog zakona, broj: 01, 02-02-1-30/15, od 22.12.2015., podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma.

**I. Usklađenost s odredbama Poslovnika Predstavničkog doma**

**Parlamentarne skupštine BiH**

Tekst Prijedloga zakona je, u skladu s članom 105. stav (1) Poslovnika Predstavničkog doma, podnesen u pisanoj i elektronskoj formi, na jezicima i pismima u službenoj upotrebi u BiH.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- a) ustavni osnov za usvajanje zakona
- b) razloge za donošenje zakona
- c) principe na kojima je zasnovan prijedlog zakona
- d) procjenu finansijskih sredstava neophodnih za provođenje zakona
- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje koje sadrži:

1. ustavni osnov
2. razloge za donošenje zakona
3. cilj donošenja zakona
4. principe na kojima se zakon zasniva
5. obrazloženje predloženih pravnih rješenja
6. usklađenost zakona s evropskim zakonodavstvom
7. provedbene mehanizme i način osiguravanja poštivanja zakona
8. ocjenu potrebnih finansijskih sredstava za provođenje zakona
9. opis konsultacija vođenih u procesu izrade zakona, uz komentare Centra za informiranje i priznavanje dokumenata iz oblasti visokog obrazovanja, kao i
10. pribavljena mišljenja od Ureda za zakonodavstvo, Ministarstva finansija i trezora, Direkcije za evropske integracije.

U skladu s navedenim, Prijedlog zakona **usklađen** je s članom 105. stav (3) Poslovnika Predstavničkog doma i članom 60. Jedinostvenih pravila za izradu pravnih propisa u institucijama BiH.


Predlagač je uz Prijedlog zakona dostavio odredbe koje se mijenjaju, odnosno dopunjavaju, ali nije dostavio verziju prečišćenog teksta, te u tom smislu Prijedlog zakona **nije usklađen** s članom 105. stav (5) Poslovnika Predstavničkog doma.

Iz navedenog proizlazi da Prijedlog zakona o izmjenama i dopunama Zakona o upravi **nije u potpunosti** usklađen s članom 105. Poslovnika Predstavničkog doma.

## **II. Usklađenost s Jedinostvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)**

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinostvenim pravilima za izradu pravnih propisa u institucijama Bosne i Hercegovine, te je **usklađen** s Jedinostvenim pravilima za izradu pravnih propisa u institucijama Bosne i Hercegovine.

Rukovoditeljica  
Zakonodavno-pravnog sektora  
Mirjana Kutanja



Dostaviti:

1. naslovu
2. sekretarki Zajedničke službe Sekretarijata